

張懷寂墓誌銘摹文

大周故中散大夫行茂州都督府司馬上柱國張府君墓誌銘并序

君諱懷寂字德璋南陽白水人也昔軒后誕孕手文疏得姓之源錫壤崇基白水為封侯之

邑賢明繼軌代有人焉佐漢相韓備該策史襄避霍難西宅燉煌餘粟遷波奄居蒲渚遂為

高昌人也曾祖務為右衛將軍都督曹郎中器度溫雅風神秀朗祖端為建義將軍都督曹

郎中識鑒明敏弘博多通父雄為左衛大將軍都督曹郎中神性俊毅志懷剛直片言折獄

無謝仲由諾重千金寧慚季布故得入籌帷幄出搃戎機緯武經文職兼二柄公良治是傳

箕裘不墜率在樞樞為後吏部侍郎爵被姪童以旌恩寵貞觀之際率國賓王徽

之願再還故里都督趨湛以公衣纓望重才行可嘉率甫至學奏植本州行參軍雖在職舊

邦榮同衣錦展私不虧鄉禮存公無越憲章俄轉伊州錄事參軍亂初六曹劉柔一貫駁議

無隱躬操直繩轉榆甘州張掖縣令肅清百里仁政一同草靡其風人化其德令譽扇於三

輔逸響聞於九皋遷後朝散大夫除疊州長史此州境隣渾寇率帶山巖峰候屢驚草竊為

弊公雖職佐千里而微洞六奇設計運籌窮其巢穴下人謠德上徽而聽旌善賞功

思波曲被公歷任多慮關親慈顏念噬指以思歸想投機而自勵未申反哺之戀俄丁

膝下之憂一溢僅存毀瘠過禮屬惹山小醜負德鳩張瀚海殘奴孤思蟻聚同惡相濟劫掠

成群而子命將登壇推輪伐罪以公果略先著蘭在帝心思制奪情令摠戎

律特授右玉鈐衛假郎將充武威軍子摠管公固辭不獲俯履轅門報孝殉忠義資盡命於

是飛懸旌而西上擁戎卒以啓行鳴鼓角於壘中疎長劍於而外是賊頭跋論逞次拒輪

兵戈繞衝賊徒俄潰如秋風之掃枯葉類春景之鑠薄冰殲厥渠魁脇從回治於是金方靜

析玉塞清塵十箭安毳幙之鄉四鎮復飛泉之壘元帥王孝傑錄功聞奏恩制遽下

曰朝請大夫前行疊州長史武威軍子摠管張懷寂識具通濟器能優舉夙承榮并出戴蕃
條近摠戎麾遠清荒傲恢七擒之勝略致三捷之嘉庸送黨冰雜妓群瓦解譽隆禪師績著
幽遐佐副名都允諧懋賞可中散大夫行茂州都督府司馬仍賜緋袍金帶及物貳伯段公
以允野寧謐榮賞優隆振旅凱旋翹欣飲至豈謂脩途未極逸足中疲玉碎荆山珠沉漢浦
以長壽二季歲次癸巳五月己丑朔十一日己亥終於幕府春秋六十有二於是六軍望觀
興埋玉之悲元帥親臨盡夫人之慟即以長壽三季太歲甲午二月己卯朔六日庚申葬於
高昌縣之西北舊塋禮也惟君體質貞明機神警朗雅善書劍尤精草隸鸞孤擬樹已見啼
猿落紙飛毫行驚返鵲崇讓去伐絕矜尚之心重義輕財履謙冲之迹如珠有潤似玉無瑕
美績嘉猷筆難詳蘆子禮恩等扣心泣血茹粒僅存負米無期過庭絕訓思慕義而踴踊想
陟岵以崩心恐陵谷貿遷芳猷歆滅聊題琬琰迺勒銘云
尋源討氏系自棘皇孕珠含德手印弓長辭榮讓顯戰涿功彰爰封白水錫土南陽三五已
降代襲忠貞珥貂漢關曳綬韓庭槐門棘路鳴珮飛纓九州垂範四海馳聲顯允夫子寔為
仁軌百行攸歸五常是履綏邊弥寂鷹揚檀美懋賞疇庸備旌緇史皇穹爽善惟此良口口
口無驗二豎興災口殞朝露魂歸口銘徽猷而洩涕曲以中哀